


Kitab Suci Bocah

nyughaké

Patang Puluh Tahun



Ditulis déning: Edward Hughes

Digambari déning: Janie Forest
Alastair Paterson

Dibesut déning: Lyn Doerksen

Diterjemahaké déning: Endang Supardan


Diproduksi déning: Bible for Children
www.M1914.org

©2023 Bible for Children, Inc.
Kowe duwé hak motokopi utawa nyithak crita iki,
waton ora kanggo diedol.



Nalika Gusti Allah ngluwari bangsa Israèl metu saka Mesir, Musa nuntun umat Israèl ngibadah. dhèwèké nggawe tembang pamuji. "Aku bakal ngidungaké marang PANGERAN YEHUWAH, amarga Panjenengané wis unggul kanthi mulya." Musa ngidungké bab sakèhé prekara-prekara sing ditindakké Gusti Allah kanggo Israèl.

HALELUJAH!
KAMULYANING
ALLAH!





Sawise telung dina ing ara-ara samun wong-wong sing ngelak nemu kolam. Nanging padha ora bisa ngombe amarga banyune pait. Tinimbang ndonga, wong-wong malah padha sambat.


Gusti Allah iku apikan banget. Panjenengané nggawe banyu apik kanggo ngombe.

3


Esuke Gusti Allah menehi manna. Iku jenis roti sing rasane kaya madu. Saben esuk manna ana ing lemah kanggo diklumpukake.

Kan thi cara iki Gusti Allah maringi panganan marang umate ing ara-ara samun.

5



Mesti wae, manna wingi kebak sete -- kajaba dina Sabat. Ing dina kapitu, wong-wong padha ngaso lan mangan manna wingi.




7



Iku ketoke wong-wong padha sambat marang sakkabehe. "Kita padha duwe pangan ing Mesir. Ing ara-ara samun kita bakal mati kalireng," padha sesambat. Sore iku Gusti Allah ngutus manuk sing jenenge gemak. Wong-wong mau gampang le nyekel.

4



Wong-wong mau kudu percaya marang Gusti Allah saben dina kanggo panganan anyar. Nanging sawetara ana wong sing ngumpulake manna luwih, sanajan Gusti Allah ngandika iku bakal bosok sewengi.


6



Gusti Allah ngingah wong Israèl ing ara-ara samun. Panjenengané menehi pangan lan banyu -- lan nglindhungi saka mungsuh.

Nalika wong Amalek nyerang, Israèl tetep menang ing perang angger Musa ngangkat tekene Gusti Allah.

8




Gusti Allah ngandika marang wong-wong Israèl, "Yèn kowé padha manut prentah-Ku, kowé bakal dadi umat-Ku." "Kabeh pangandikane Gusti Allah, bakal kula estokaken," wong-wong padha matur marang Musa. Wong-wong mau padha tekan ing sikilé Gunung Sinai lan ngenteni nalika Musa marani Gusti Allah.

9



Musa nunggil karo Gusti Allah ing gunung patang puluh dina. Gusti Allah nulis Sepuluh Prentah ing rong lempengan watu. Dhèwèké ngandhani Musa kepriyé kepéngin umaté urip.


10



1. "Aja padha nduwèni allah liyané kejaba Aku."
2. "Aja gawe utawa sujud marang reca."
3. "Aja nyebut asmane PANGERAN YEHUWAH tanpa guna."

4. "Elinga dina Sabat, supaya dina iku suci."
5. "Ngajeni bapak lan ibumu."


11



6. "Aja mateni."
7. "Aja laku jina."
8. "Aja nyolong."


9. "Aja goroh."
10. "Aja melik."

12



Nalika Musa nunggil karo Gusti Allah ing Gunung Sinai, wong Israèl nindakké sing nggegiris. Padha dhawuh marang Harun supaya nggawe pedhet emas - lan padha nyembah marang pedhet emas kuwi. Gusti Allah duka banget. Semono uga Musa.

13



Bareng Musa ndeleng reca pedhet lan wong-wong padha jogèd, banjur dhèwèké mbanting papan watu ing lemah. Musa karo nepsu nyirnakake brahala emas mau. Wong-wong jahat sing nyembah kuwi dipatèni.

14

Gusti Allah ngganti papan
watu loro mau. Dhèwèké
ndhawuhi Musa supaya mbangun
Kémah Suci - kémah gedhé sing
dikubengi pager - ing ngendi Gusti
Allah bakal manggon karo umaté.
Wong-wong mau padha nyembah
marang Gusti Allah ana ing kono.
Tugu méga lan geni kuwi
nduduhké nèk Gusti
Allah nunggil
karo wong-
wong kuwi.



15

Nalika padha nyedhaki Kanaan, Musa ngutus telik rolas
kanggo ndeleng tanah sing dijanjekake Gusti Allah
marang umate. Telik kabeh padha sarujuk yen tanahe
subur tenan! Nanging mung loro, Yosua lan Caleb, sing
percaya yen bisa nelukake negara kasebut kanthi
pitulungan saka Gusti
Allah.



16


Telik sepuluh liyane padha wedi
marang kutha-kutha kuwat lan
wong-wong raksasa ing negara
kuwi. "Kita ora bisa ngalahke
negara kuwi," padha
sambat. Padha
lali bab-bab
gedhe sing wis



ditindakake dening
Gusti Allah kanggo ngluwari
wong-wong mau saka Mesir.

17

Wong-wong mau ngetutké telik sepuluh sing
ora precaya kuwi. Padha nangis lan pengen bali
menyang Mesir. Malah padha nyoba matèni Musa!



18

Gusti Allah nylametké nyawané Musa. Panjenengané
banjur ngandika marang wong-wong mau, "Suwéné
patang puluh taun kowé bakal nglambrang ana ing ara-
ara samun. Mung Caleb, Yosua lan anak-anakmu sing
bakal urip mlebu ing
tanah sing kok tampik."



19

Patang Puluh Tahun

Crita saka Pangandikané Gusti, Kitab Suci

bisa digolèki ing

Pangentasan 15 kanthi Wilangan 14

"Kawedharipun pangandika Paduka punika
madhangi". Jabur 119:130

20

Cunthel

12



60

21

Crita Kitab Suci iki nyritaaké bab Gusti Allahé awaké dhéwé sing luwar biasa, sing nitahaké kita kabèh, sing ngersaaké supaya kowé wanuh marang Panjenengané.

Gusti Allah pirsia yén awaké dhéwé wis nglakoni prakara sing èlek-èlek, sing disebut déning Gusti Allah, dosa. Ukumané dosa iku pepati, nanging Gusti Allah banget olèhé ngasih marang kowe, mula ngirim Putrané Ontang Anting, utawa Putra sing ora ana Tunggale, asmané Yésus, supaya séda disalib. Yesus diukum sebab dosa-dosamu. Banjur Gusti Yésus wungu manèh saka séda lan kondur menyang Swargal. Yen kowé pracaya marang Gusti Yésus lan nyuwun pangapura tumrap dosa-dosamu, Panjenengané bakal maringi pangapura! Panjenengané bakal rawuh lan urip nang atimu saiki uga, lan kowé bakal urip bareng Panjenengané saklawasé.

Yen kowé percaya yen iki bener, mara matura marang Gusti mengkéné: Gusti Yésus ingkang kawula tressnani, kawula pitados bilih Paduka punika Gusti, lan sampaun manjalma dados manungsa supados séda kanggé nyirnaaken dosa-dosa kawula, lan sakpunika Paduka sampaun gesang malih. Mugi rawuha ing gesang kawula lan apurterana sedaya dosa kawula, supados kawula nggadhai gesang énggal ing wekdal punika, lan bénjang badhé sesarengan kaliyan Paduka salaminipun. Mugi mitulungi kawula supados sageed tansah mbangun turut dhumateng Paduka sarta gesang kagem Paduka, dados putra Paduka. Amin.

Macaa Kitab Suci lan geguneman karo Gusti Yésus saben dina! Yohanes 3:16

22